


ВОДЗАЧ ЗА ВИБЕРАЧОХ



РЕПУБЛИЧНА ВИБЕРАНКОВА КОМИСИЯ, 2023.



ДЕЦЕМБЕР

17


ПОЧИТОВАНИ ВИБЕРАЧЕ,

Зоз гласаньом на виберанкох и зоз заокружованьом шорного числа опрез єдней виберанковой лістини на гласацким лістку, ви участвуєце у виборе **250 народних посланікох Народней скупщини**, котри буду, у Вашо и у мено шицких гражданох Републики Сербії, приносиц закони и други акти, виберац Владу и других функционерох и окончовац контролю Влади и других державних орґанох.


Вибераче у 66 општинах/городах буду виберац и **одборнікох скупщинох општинах/городах**, котри буду приносиц предписаня у вязи зоз ушореньом явних роботох за витворйоване общих интересох локалней самоуправи.

Кандидатох за народних посланікох и одборнікох предкладаю политични странки, коалиції политичних странкох и групи гражданох.

Виберанково лістини кандидатох за народних посланікох и одборнікох можеце опатриц на веб-презентації [Републичней виберанковой комисії](#).



ЧИ МОЖЕЦЕ ГЛАСАЦ?



На виберанкох за народних посланікох Народней скупштини и одборнікох скупштинох општинах/городах можеце гласац:

- кед сце державян/державянка Републики Сербії
- кед сце наполнили 18 роки живота;
- кед за Вас не предлужене родительське право, односно кед сце подполно роботно способни.

ВАЖНЕ: Кед сце интерно розселена особа зоз перебуваньом на території Автономней покраїни Косово и Метохия, а маце место биваня у централней Сербії, односно Автономней Покраїни Войводини, можеце гласац лем на виберанкох за народних посланікох Народней скупштини.



ЯК МОЖЕЦЕ ПРЕВЕРИЦ ЧИ СЦЕ УПИСАНИ ДО ВИБЕРАЦКОГО СПИСКУ?



Же бисце могли гласац на виберанкох, мушице буц уписани до виберацкого списку и мушице мац важацу особну легитимацию або пасош.

Превеце чи сце уписани до виберацкого списку:

- зоз одходом до своєї општинскей/городскей управи;

- зоз перевірюваньом на веб-презентації [Министерства державней управи и локалней самоуправи](#);
- зоз перевірюваньом на [Порталу еУправа](#), кед сце реґистровани хаснователь Порталу еУправа и маце мобилну апликацию ConsentID або кваліфіковани електронски сертификат.

Кед сце не уписани до виберацкого списку або у нїм неправилно уписани Ваше податки, вимогу за уписованє/пременку податкох у виберацким списку можеце поднєсц општинскей/городскей управи у месце вашого перебуваня або на [Порталу еУправа](#).

Кед сце интерно розселєна особа, вимогу за уписованє/пременку податкох у виберацким списку можеце поднєсц општинскей/городскей управи у месце вашого биваня або на [Порталу еУправа](#).


Кед сце виберач – припаднік националней меншини маце право поднєсц вимогу Вашей општинскей/городскей управи або на [Порталу еУправа](#) же би ше Ваше мєно и презвико до виберацкого списку уписало, попри сербского языка и на кирилки, и на языке и писму Вашей националней меншини.

На тот способ **вимогу за уписованє/пременку** податкох у виберацким списку можеце поднєсц по заключованє виберацкого списку, односно найпознейше по 1. децембер 2023. року.

ВАЖНЕ: У периодзе **од 2. по 13. децембер 2023. року** вимога за уписованє/пременку податкох у виберацким списку подношице Министерству державней управи и локалней самоуправи, преїг Вашей општинскей/городскей управи або непоштредно, або преїг Порталу еУправа, кед сце реґистровани хаснователь Портала еУправа и маце мобилну апликацию ConsentID або кваліфіковани електронски сертификат.



ДЗЕ МОЖЕЦЕ ГЛАСАЦ?



На виберанкох за народних посланікох Народней скупшти-ни гласаце на виберацким месце на котрим сце уписани до виводу зоз виберацкого списку.

Можеце гласац на виберацким месце:

- на котрим сце уписани до виводу зоз виберацкого списку спрам Вашого места перебуваня **(спрам адреси зоз особней легітимації)**;
- на котрим сце уписани до виводу зоз виберацкого списку спрам Вашого места биваня (вибране место гласаня).

Кед жадаце гласац у месце у котрим будзеце перебувац на дзень гласаня (нпр. вибераче котри пре студіранє биваю у месце хторе не їх место перебуваня, вибераче котри окончую сезонски роботи звонка места перебуваня, вибераче котри хаснователе услуги домского змесценя одроснутих и старших и др.), **необходне же бисце поднесли вимогу** же би ше у виберацким списку уписал податок же на предстоящих виберанкох будзеце гласац спрам места биваня у жеми (вибране место гласаня) **найпознейше по 25. новембер 2023. року**, општинскей/городскей управи у месце у котрим будзеце перебувац.

На виберанкох за одборнікох скупштини општини/города гласаце на виберацким месце на котрим сце уписани до виводу зоз виберацкого списку спрам Вашого перебуваня (адреси зоз особней легітимації).



ВАЖНЕ: Не існує можливості, щоб виберач істоташне бул уписани до виберацкогo списку спрам места перебування і спрам вибраногo места гласання, але ше може случиц же виберач будзе уписани под розличним шорним числом і виводзе зоз виберацкогo списку за парламентарни виберанки і у виводзе зоз виберацкогo списку за локални виберанки. Пре хаснованє спрею за означованє указуюцогo пальца на правей руки виберача як знак же гласал, виберач котри гласал на парламентарних виберанках спрам вибраногo места гласання не годзен гласац на локальних виберанках спрам места перебування, односно не існує можливості, щоб исти виберач гласал на двох виберацких местах.

КЕДИ І ДЗЕ ГЛАСАЦЕ?



Можеце гласац лєм на дзень виберанках, **17. децембра 2023. року.**

Гласаце на виберацким месце на котрим сце уписани до виводу зоз виберацкогo списку.

Виберачки места ше отвераю на 7.00 годзин, а заверая на 20.00 годзин. Можеце гласац у гоч кеди у тим часовим периодзе.

Кед будзеце на виберацким месце у чаше завераня виберацкогo места або непоштредно пред тим, будзе вам оможлівене же бисце гласали.

КОТРИ ДОКУМЕНТ ПОТРЕБНЕ ВЖАЦ ЖЕ БИСЦЕ МОГЛИ ГЛАСАЦ?



Же бисце гласали мушице доказац свой идентитет. Идентитет ше доказує:

- з важацу особну легитимацию або
- з пасошом.

ВАЖНЕ: Кед рок важеня Вашей особней легитимациі або пасоша вицекол, зоз собу, попри особней легитимациі або пасоша котри вицекол, вежніце и потвердзене же сце у Министерстве нукашніх роботох поднесли вимогу за виробок новей особней легитимациі або пасоша.



Кед маце **друге презвиско у одношеню на гевто котре уписане до виводу зоз виберацкогo списку**, виберацки одбор Вам оможливи гласац кед на основи фотографии и ЄМЧГ у документу зоз котрим доказуєце идентитет мож утвердзиц же Ви особа котра уписана до виводу зоз виберацкогo списку.

Кед ше находзице на служеню воєного рока, на воєней вежби або на школованю у єдинкох або установох Войски Сербії, свой идентитет можеце доказац и зоз воєну легитимацию.

При утвердзованю идентитета на виберацким месце, добре, але не обовязне, придац и **поволанку за гласанє** котра би Вам мала буц доставена найпознейше пейц дні пред виберанками. Кед Вам поволанка за гласанє не доставена, односно, не познате Вам число и адреса виберацкогo места, можеце зоз проверйованьом на веб-презентациі [Министерства дер-](#)

жавней управи и локальной самоуправи перевіриц на котрим виберацким месце гласаце.

ЦО ШЕ СЛУЧУЄ КЕД ПОЙДЗЕЦЕ НА ГЛАСАНЄ?



Кед на дзень виберанкох придзеце на свойо виберацке место, члени виберанкового одбору:

- **переве́ря Вам указыюци палец на правой руки з УВ** лампу, же би утвердзели чи сце уж гласали;
- **утвердза Ваш идентитет**, з перевірюваньом податкох з Вашей особней карточки або пасоша (добре би було, але не обовязне же бисце придали и поволанку за гласанє котра би Вам требала буц доставена найпознєйше пейц дні пред виберанками);
- **пренайду Вас у виводзе з виберацкого списка** и заокружа шорне число опре́з Вашого мена;
- **буду погледовац же бисце ше подписали** до виводу з виберацкого списка;
- **означа Вам указыюци палец на правой руки зоз спре́йом**;
- придаю Вам гласацки лісток;
- едукую Вас о способе гласаня и укажу Вам место котре предвидзене за гласанє.

НА КОТРИ СПОСОБ ГЛАСАЦЕ?



Кед приступице на место котре предвидзене за гласанє, потребне же бисце ше упознали зоз змістом гласацкого лістка котри Вам уручени. На гласацким лістку ше находзи списак шицких виберанкових лістинох котри участвую на виберанкох. Гласаце так же заокружице шорне число опрез назви єдней виберанковой лістини за котру жадаце гласац.


Гласаце особнє за параваном котри обезпечує тайносц гласаня.

Кед заокружице шорне число опрез назви єдней виберанковой листини, гласацки лісток треба же бисце зогли и же бисце го уруцели до гласацкей шкатули.

ВАЖНЕ: Кед при означованю гласацкого лістка погришице, нє старайце ше. Кажди гласацки лісток котри виполнєти так же ше зоз сигурносцу може заключиц за кого виберач гласал будзе важаци.



ЧИ МОЖЕЦЕ ГЛАСАЦ З ПОМОЦУ ПОМАГАЧА?



Виберач котри пре неписменосц, слабовидосц, инвалидитет або пре даяку другу причину нє у можлівосци же би сам пополнєл гласацки лісток, ма право же би на виберацке место приведол **помагача** котри место нього пополнї гласацки лісток так як виберач одредзи.

Право гласац з помоцу помагача ма и виберач котри пре чежку хороту, старосц або инвалидитет не у можлівосци же би гласал на виберацким месце.

Подробнейши інформації о гласаню виберачох котри особи з инвалидитетом находза ше у Водзачу за гласане виберачох котри особи з инвалидитетом на виберанкох 17. децембра 2023. року.

ЧИ МОЖЕЦЕ ГЛАСАЦ ЗВОНКА ВИБЕРАЦКОГО МЕСТА?



Кед сце не у можлівосци же бисце гласали на виберацким месце пре чежку хороту, старосц або инвалидитет, потребне же бисце **о тим обвисцели локалну виберанкову комисию найскорей 14. децембра, а найпознейше 17. децембра по 11.00 годзин, односно виберацки одбор на дзень гласаня найпознейше по 11.00 годзин.**

Гласане звонка виберацкого места подрозумює же до Вас приду тройо члени виберацкого одбора, котри:

- утвєрдза Ваш идентитет;
- з помоцу УВ лампи преверя чи сце уж гласали;
- придаю Вам потвєрдзєне о виборним праву за гласане звонка виберацкого места котре треба же бисце подписали и придали членом виберацкого одбора;
- означа Ваш палец зоз спрејом и придаю Вам: гласацки лісток, збирну виберанкову лістину и окремну коверту до котрей, кед одгласаце, положице пополнєти гласацки лісток;

- упознаю Вас зоз способом гласаня.

Кед члени виберацкого одбора напуца просторию у котрей будзеце гласац, Ви:

- будзеце гласац, сами або з помоцу помагача;
- зогнеце гласацки лісток и положице го до окремної коверти, котру завреце.

Кед одгласаце, члени виберацкого одбора ше враца до просторії у котрей сце гласали и:

- запечатую окремну коверту у котрей ше находзи гласацки лісток;
- окремну коверту у котрей ше находзи гласацки лісток и подписане потврдженє о виберанковим праву за гласанє звонка виберацкого места положа до службеної коверти.

ЗДОГАДНІК ЗА ГЛАСАНЄ



- Превеце чи сце уписани до виберацкого списку з одходом до своєї општинской/городской управи, з питаньом на веб-презентацию [Министерства державней управи и локальной самоуправи](#) або на [Порталу еУправа](#);
- Поднєшце вимогу за уписованє до виберацкого списку або пременуку/виправку особних податкох Вашей општинской/городской управи або на [Порталу еУправа](#), кед же за то иснує потреба;
- Поднєшце вимогу Вашей општинской/городской управи або на [Порталу еУправа](#) за уписованє мена и презвиска

- на язика и писму Вашей националней меншини, кед же жадаце;
- Поднешеце вимогу општинскей/городскей управы на чией території жадаце гласац же би ше до виберацкого списку уписал податок же будзеце на наиходзацях виберанкох гласац спрам вашого места перебуваня у жеми (**виборне место гласаня**), кед жадаце гласац у месце у котрим будзеце перебувац на дзень гласаня;
 - Проверце на котрим виберацким месце гласаце, односно дзе сце уписани до виводу з виберацкого списка з питаньом на веб-презентацию [Министерства державней управы и локалней самоуправи](#), кед же Вам поволанка за гласанє не доставена;
 - Проверце чи маце важацу особну легитимацию або пасош;
 - Можеце гласац и без поволанки за гласанє котра треба же би Вам була доставена пейц дні пред виберанками;
 - Виплануйце приход на виберацке место на дзень виберанкох;
 - Информуйце ше при членох виберацкого одбора о способе гласаня, кед сце у дачим неодлучни;
 - Приведзце помагача на виберацке место кед сце не у можлівосци самостойно гласац;
 - Приявце ше благочасово же жадаце гласац од дому, кед же сце не у можлівосци же бисце пришли на виберацке место пре чежку хороту, старосц або инвалидитет.



РЕПУБЛИЧНА ВИБЕРАНКОВА КОМИСИЈА

Краля Милана 14 11000 Београд, Сербия
T: 011/3026-000, 011/3026-100, 011/3026-200
E: rik@parlament.rs, izbori@parlament.rs
www.rik.parlament.gov.rs



Инстаграм
 riksrbije



YouTube
 Републична виберанкова
 комисија

